

**MAJLIS MESYUARAT NEGARA  
BRUNEI DARUSSALAM**

**MESYUARAT PERTAMA DARI MUSIM PERMESYUARATAN KE-22  
MAJLIS MESYUARAT NEGARA TAHUN 2026**

**PERINTAH HARIAN  
SABTU, 08 SYAWAL 1447H BERSAMAAN 28 MAC 2026M**

PH11/01/2026

9:30 PAGI

1

---

**1. MEMBACA DOA**

**2. PERTANYAAN BAGI JAWAB LISAN**

- 1) **[PL146] : Yang Berhormat Awang Haji Daud bin Jihan** meminta **MENTERI DI JABATAN PERDANA MENTERI** menjelaskan keperluan bagi mewajibkan pengesahan status pemohon bagi permohonan nikah oleh ketua kampung serta mekanisme kawalan dan penyelarasan data bagi memastikan keselarasan rekod serta maklumat antara agensi?
  
- 2) **[PL007] : Yang Berhormat Dayang Hajah Safiah binti Sheikh Haji Abd. Salam** meminta **MENTERI KEBUDAYAAN, BELIA DAN SUKAN** menyatakan usaha JAPEM dalam meneraju dan menyelaraskan persatuan dan organisasi wanita di bawah satu hab berpusat bagi mengatasi *institutional fragmentation* dan memastikan pelaksanaan inisiatif pemerksaan wanita lebih terarah, meluas dan berimpak tinggi?
  
- 3) **[PL153] : Yang Berhormat Dayang Chong Chin Yee** meminta **MENTERI KEBUDAYAAN, BELIA DAN SUKAN** menyatakan garis masa serta perkembangan semasa dalam usaha membangunkan Pelan Tindakan Wanita 2026-2030 susulan pelancaran hasil penyelidikan mengenai Pembangunan Wanita di Negara Brunei Darussalam yang menjadi asas kepada Pelan Tindakan tersebut?
  
- 4) **[PL005] : Yang Berhormat Dayang Hajah Safiah binti Sheikh Haji Abd. Salam** meminta **MENTERI PEMBANGUNAN** menyatakan mekanisme bagi memastikan bangunan di negara ini mencapai sasaran 100% menepati *Different Abilities Design Guideline* (DADG) menjelang tahun 2035 serta langkah untuk memastikan DADG 2018 dikuatkuasakan secara mandatori bagi pembinaan bangunan baru dan penaiktarafan bangunan yang sedia ada?

- 
- 5) **[PL013] : Yang Berhormat Dayang Hajah Rosmawatty binti Haji Abdul Mumin** meminta **MENTERI KEBUDAYAAN, BELIA DAN SUKAN** menyatakan status pembinaan bangunan bagi Pusat Orang Kelainan Upaya (OKU) bagi menjalankan program-program kemahiran bagi golongan OKU dan bilakah pusat ini dapat dimanfaatkan sepenuhnya oleh golongan OKU?
- 6) **[PL017] : Yang Berhormat Dayang Hajah Rosmawatty binti Haji Abdul Mumin** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan jika Kementerian mempertimbangkan untuk memperkenalkan rangka kerja perundangan atau akta khusus bagi memperkukuh tadbir urus, ketelusan dan akauntabiliti Syarikat Berkaitan Kerajaan (GLC) agar lebih bersepadu dengan keperluan pembangunan jangka panjang dan amalan tadbir urus terbaik serantau?
- 7) **[PL024] : Yang Berhormat Dr. Awang Haji Mahali bin Haji Momin** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan jika Kementerian mempunyai rangka kerja atau garis panduan berhubung lantikan Lembaga Pengarah bagi GLC dalam memperkukuh tadbir urus, akauntabiliti prestasi dan kecekapan komersial?
- 8) **[PL123] : Yang Berhormat Pengiran Haji Isa bin Pengiran Haji Aliuddin** meminta **MENTERI DI JABATAN PERDANA MENTERI** menyatakan impak dan pencapaian penerima anugerah cemerlang belia dalam bidang perniagaan atau keusahawanan terutamanya kepelbagaian ekonomi negara khususnya dalam sektor pertanian dan agrimakanan?
- 9) **[PL006] : Yang Berhormat Dayang Hajah Safiah binti Sheikh Haji Abd. Salam** meminta **MENTERI DI JABATAN PERDANA MENTERI** menyatakan hasil penilaian atas peningkatan kes pengabaian orang tua termasuk di rumah-rumah sakit? Adakah ada perancangan untuk memperkukuhkan kerangka perlindungan undang-undang bagi melindungi warga emas serta meletakkan liabiliti penjagaan dan kos rawatan ke atas ahli keluarga yang bertanggungjawab?

- 
- 10) **[PL113] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI SUMBER-SUMBER UTAMA DAN PELANCONGAN** mengongsikan perkembangan kadar sara diri dalam penghasilan beras dalam jangka lima (5) tahun akan datang, dan perancangan untuk menggunakan teknologi terkini dan melibatkan pihak swasta dan peladang-peladang belia.
  - 11) **[PL051] : Yang Berhormat Awang Lau How Teck** meminta **MENTERI SUMBER - SUMBER UTAMA DAN PELANCONGAN** nyatakan pendekatan kementerian terhadap isu kelangsungan (*continuity*) ladang dan perniagaan pertanian, memandangkan sebahagian besar pengusaha semakin berusia dan penglibatan generasi seterusnya masih terhad. Bagaimanakah risiko kehilangan kapasiti pengeluaran tempatan dapat ditangani secara berperingkat?
  - 12) **[PL119] : Yang Berhormat Pengiran Haji Isa bin Pengiran Haji Aliuddin** meminta **MENTERI PEMBANGUNAN** menyatakan dasar dan peraturan berkenaan penambahan atau renovasi bangunan di kawasan Rancangan Perumahan Negara (RPN) dan tanah persendirian?
  - 13) **[PL034]: Yang Berhormat Awang Amran bin Haji Maidin** meminta **MENTERI HAL EHWAL DALAM NEGERI** menyatakan persediaan Bomba Kampong Ayer dari segi bot, keupayaan pemadaman, latihan kru, masa respons, liputan operasi, serta perancangan penambahan aset, penyelenggaraan, keselamatan kru, dan koordinasi antara agensi untuk menangani kebakaran di Kampong Ayer?
  - 14) **[PL073]: Yang Berhormat Awang Haji Mohamad Danial @ Tekpin bin Ya'akub** meminta **MENTERI HAL EHWAL DALAM NEGERI** menyatakan perkembangan terkini dalam pengurusan bencana negara mengambilkira cabaran perubahan iklim yang sentiasa berubah dan peningkatan kekerapan bencana alam?
  - 15) **[PL083]: Yang Berhormat Awang Haji Md. Salleh bin Haji Othman** meminta **MENTERI HAL EHWAL DALAM NEGERI** menyatakan apakah cabaran utama dalam proses penilaian permohonan kewarganegaraan dan antara sebab permohonan tidak berjaya?

- 
- 16) **[PL003] : Yang Berhormat Dayang Hajah Safiah binti Sheikh Haji Abd. Salam** meminta **MENTERI HAL EHWAL UGAMA** menyatakan jika kementerian membuat kajian berkenaan punca utama dalam peningkatan kelahiran anak luar nikah termasuk penilaian sistem sokongan seperti aspek kesihatan, pendidikan dan kesedaran, sistem bantuan dan perlindungan dari stigma masyarakat dan pengabaian?
- 17) **[PL130] : Yang Berhormat Awang Haji Salleh Bostaman bin Haji Zainal Abidin** meminta **MENTERI HAL EHWAL UGAMA** menyatakan tindakan kementerian keatas pengusaha yang telah melanggar atau *non-compliance* kepada syarat pensijilan dengan sengaja seperti menyimpan dan menjual bahan haram di premis?
- 18) **[PL029] : Yang Berhormat Dr. Awang Haji Mahali bin Haji Momin** meminta **MENTERI KEBUDAYAAN, BELIA DAN SUKAN** menyatakan strategi untuk membangunkan Pusat Sejarah Brunei Darussalam (PSB) sebagai teras kepada ekosistem pengalaman sejarah bersepadu yang merangkumi muzium, tapak warisan, naratif digital dan laluan sejarah?
- 19) **[PL082] : Yang Berhormat Awang Haji Md. Salleh bin Haji Othman** meminta **MENTERI KEBUDAYAAN, BELIA DAN SUKAN** menyatakan bagaimanakah dapatan penyelidikan sejarah, arkeologi dan *oral history* dapat dimanfaatkan bagi mengenalpasti tapak-tapak bersejarah yang masih belum diterokai atau didokumentasikan?
- 20) **[PL154] : Yang Berhormat Dayang Chong Chin Yee** meminta **MENTERI KEBUDAYAAN, BELIA DAN SUKAN** menyatakan langkah pencegahan kementerian dalam membantu pengenalpastian awal tingkah laku yang tidak selamat, dengan mengambil kira peningkatan kes yang dilaporkan dengan pelaksanaan Rangka Kerja Kebangsaan bagi Perlindungan Kanak-Kanak (NFCCP). Bagaimana golongan belia boleh menyokong usaha pencegahan ini?
- 21) **[PL088] : Yang Berhormat Haji Awang Sulaiman bin Haji Nasir** meminta **MENTERI HAL EHWAL DALAM NEGERI** menyatakan apakah inisiatif pembangunan Pekan Bangar yang diselaraskan dengan agenda pembangunan sosioekonomi Daerah Temburong secara keseluruhan, yang dapat membantu Pekan Bangar agar mempunyai identiti perniagaan tersendiri.

- 
- 22) **[PL139] : Yang Berhormat Pehin Orang Kaya Johan Pahlawan Dato Seri Setia Awang Haji Adanan bin Begawan Pehin Siraja Khatib Dato Seri Setia Haji Md. Yusof** meminta **MENTERI HAL EHWAL DALAM NEGERI** menyatakan perkembangan terkini dalam usaha memperkasakan sosioekonomi masyarakat melalui 1K1P khususnya dalam mengaplikasikan teknologi tinggi dan penghasilan produk nilai tambah berskala besar bagi memastikan produk tempatan lebih berdaya saing serta mampu menembusi pasaran antarabangsa secara meluas?
- 23) **[PL163] : Yang Berhormat Awang Lawi bin Haji Lamat** meminta **MENTERI SUMBER-SUMBER UTAMA DAN PELANCONGAN** menyatakan tahap adaptasi pendekatan *Regenerative Agriculture* oleh sektor pertanian negara? Berapakah anggaran jangka masa bagi pulangan pelaburan (*return on investment*) yang dikenal pasti bagi petani dan kerajaan berdasarkan penilaian kementerian?
- 24) **[PL102] : Yang Berhormat Awang Mohammad bin Abdullah @ Lim Swee Ann** meminta **MENTERI SUMBER-SUMBER UTAMA DAN PELANCONGAN** menyatakan bagaimana kementerian mentakrifkan hasil pertanian bermutu tinggi dan bagaimana pematuhan piawaian di peringkat pengeluaran dilaksanakan dan dikuatkuasa?
- 25) **[PL128] : Yang Berhormat Awang Haji Salleh Bostaman bin Haji Zainal Abidin** meminta **MENTERI KEBUDAYAAN, BELIA DAN SUKAN** apakah langkah Kementerian untuk mengiktiraf dan membangunkan warisan budaya berasaskan etnik daerah supaya bukan sahaja dipelihara, tetapi berfungsi sebagai sumber peluang pekerjaan dan pendapatan kepada komuniti setempat (termasuk warga emas) dan pengurangan penghijrahan luar bandar?
- 26) **[PL111] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI HAL EHWAL DALAM NEGERI** menyatakan bilangan permohonan yang diterima sejak dasar *Long-Stay Initiative "Long-Term Pass (LTP)"* diperkenalkan, termasuk jumlah yang telah diluluskan dari kategori pelabur?

- 
- 27) **[[PL120]: Yang Berhormat Pengiran Haji Isa bin Pengiran Haji Aliuddin** meminta **MENTERI HAL EHWAL DALAM NEGERI** menyatakan adakah terdapat tindakan penyelarasan antara Kementerian Hal Ehwal Dalam Negeri dan Kementerian Pembangunan berhubung cukai pintu kepada pemilik perumahan di bawah skim strata, khususnya bagi perumahan yang belum mendapat kebenaran strata tetapi telah dikenakan cukai pintu berasaskan kadar strata dan bukannya berdasarkan keluasan tanah?
- 28) **[PL114] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI KEBUDAYAAN, BELIA DAN SUKAN** menyatakan adakah perancangan Kementerian Hal Ehwal Ugama atau Kementerian Kebudayaan Belia dan Sukan dengan kerjasama Jabatan Pertanian dan Agrimakanan untuk memperkenalkan konsep 'Satu Rumah Satu Kebun' atau 'Pertanian Murah dan Mudah' kepada golongan penerima-penerima bantuan yang *able-body*, ibu-ibu tunggal, dan asnaf?
- 29) **[PL121] : Yang Berhormat Pengiran Haji Isa bin Pengiran Haji Aliuddin** meminta **MENTERI PEMBANGUNAN** menyatakan perancangan untuk menambahbaik proses kutipan cukai tanah bagi rumah-rumah di bawah skim RPN dan STKRJ?
- 30) **[PL144] Yang Berhormat Pehin Orang Kaya Johan Pahlawan Dato Seri Setia Awang Haji Adanan bin Begawan Pehin Siraja Khatib Dato Seri Setia Haji Md. Yusof** meminta **MENTERI PEMBANGUNAN** menyatakan berkenaan keberkesanan penguatkuasaan *Housing Development Act 2012* dalam melindungi pembeli dan pemilik tanah daripada risiko projek terbengkalai atau kualiti binaan yang rendah? Apakah tindakan bagi memastikan pemaju mematuhi tempoh yang ditetapkan bagi menjamin hak pengguna daripada sebarang kerugian?
- 31) **PL052] : Yang Berhormat Awang Lau How Teck** meminta **MENTERI SUMBER-SUMBER UTAMA DAN PELANCONGAN** menyatakan tindakan kementerian dalam memastikan tanah pertanian diperuntukkan yang dimanfaatkan secara produktif dan berterusan, termasuk mekanisme untuk menangani isu tanah yang dibiarkan dan tidak diusahakan?

- 
- 32) **[PL080] : Yang Berhormat Awang Haji Md. Salleh bin Haji Othman** meminta **MENTERI SUMBER-SUMBER UTAMA DAN PELANCONGAN** menyatakan status dasar pengagihan subsidi pertanian kepada petani dan pengusaha serta penilaian keberkesanan subsidi pertanian dalam meningkatkan produktiviti, kualiti hasil dan pendapatan petani?
- 33) **[PL008] : Yang Berhormat Dayang Hajah Safiah binti Sheikh Haji Abd. Salam** meminta **MENTERI SUMBER-SUMBER UTAMA DAN PELANCONGAN** menyatakan inisiatif bagi membantu pengusaha tempatan yang berpotensi mampu mengembangluaskan hasil perusahaan secara berskala besar, khususnya untuk menembusi pasaran serantau dan menyumbang kepada ekonomi secara berterusan.
- 34) **[PL070] : Yang Berhormat Awang Haji Mohamad Danial @ Tekpin bin Ya'akub** meminta **MENTERI SUMBER-SUMBER UTAMA DAN PELANCONGAN** menyatakan perancangan bagi melibatkan lebih ramai pengusaha untuk menceburi pengeluaran makanan tempatan seperti petani kecil, belia dan usahawan tempatan dalam rangkaian nilai pertanian.
- 35) **[PL101] : Yang Berhormat Awang Mohammad bin Abdullah @ Lim Swee Ann** meminta **MENTERI HAL EHWAL UGAMA** menyatakan apakah plan pembangunan kapasiti dan kompetensi imam, bilal dan pegawai masjid?
- 36) **[PL041] : Yang Berhormat Awang Zainol bin Haji Mohamed** meminta **MENTERI HAL EHWAL UGAMA** menyatakan jika aset wakaf dan baitulmal dapat dimanfaatkan dalam pembangunan jangka panjang dengan produktif bagi menjana pulangan mampan serta mempermudah daya ekonomi komuniti secara berterusan?
- 37) **[PL160] : Yang Berhormat Awang Lawi bin Haji Lamat** meminta **MENTERI HAL EHWAL UGAMA** menyatakan langkah penguatkuasaan, mekanisme pemantauan dan kerangka perundangan yang dilaksanakan atau dirancang oleh Jabatan Urusan Zakat, Waqaf dan Baitulmal (JUZWAB) bagi meningkatkan tahap pematuhan umat islam dalam menunaikan zakat harta?

- 
- 38) **[PL108] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan perkembangan terbaru dalam kemasukan FDI hasil aktiviti promosi pelaburan ke negara-negara luar dari segi bidang, nilai pelaburannya dan bilangan peluang pekerjaan yang akan diwujudkan?
- 39) **[PL065] : Yang Berhormat Pehin Orang Kaya Indera Pahlawan Dato Seri Setia Awang Haji Suyoi bin Haji Osman** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan kejayaan Lembaga Kemajuan Ekonomi Brunei dalam menarik pelabur asing baru ke negara ini di bawah inisiatif *Public-Private Partnership* (PPP)?
- 40) **[PL002] : Yang Berhormat Dayang Hajah Safiah binti Sheikh Haji Abd. Salam** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan keberkesanan reformasi pendaftaran syarikat melalui ROCBN termasuk pencapaian, cabaran serta penambahbaikan yang diperlukan serta kesan yang tidak dijangka (*unintended consequences*) jika ada?
- 41) **[PL022] : Yang Berhormat Dr. Awang Haji Mahali bin Haji Momin** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan apakah mekanisme bagi mengawal urustadbir pelaburan langsung asing? Apakah usaha bagi memastikan peraturan, prosedur dan kebolehjangkaan keputusan pelaburan dalam konteks prestasi FDI yang lemah dan aliran keluar bersih pelaburan?
- 42) **[PL150] : Yang Berhormat Dayang Chong Chin Yee** meminta **MENTERI DI JABATAN PERDANA MENTERI** menyatakan jika kementerian mempunyai perancangan untuk menggubal undang-undang berkaitan perwarisan tanpa wasiat (*Intestate Succession*), khususnya bagi memberikan kepastian terhadap pengurusan dan pembahagian harta pusaka orang bukan islam, memastikan pembahagian yang adil dan mengurangkan pertikaian dalam kalangan waris?

- 
- 43) **[PL077] : Yang Berhormat Awang Haji Mohamad Danial @ Tekpin bin Ya'akub** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan perancangan dalam memastikan tahap sosioekonomi rakyat dapat meningkat sejajar dengan perubahan teknologi, struktur ekonomi dan kos sara hidup semasa?
- 44) **[PL047] : Yang Berhormat Awang Zainol bin Haji Mohamed** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan berkenaan pelan kesiapsiagaan bagi menangani cabaran dalam sektor minyak dan gas dan sektor manakah yang dijangka dapat mengimbangi keperluan dalam mempelbagaikan ekonomi berdasarkan kapasiti semasa negara?
- 45) **[PL107] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan status pencapaian empat (4) kluster utama ekonomi dan perancangan untuk review/restrategise pelaksanaannya yang mengambilkira perkembangan terkini seperti perubahan geopolitik, perkembangan teknologi terutamanya AI, perubahan iklim, tenaga yang diperbaharui, yang berpotensi merubah corak permintaan, penggunaan, dan rantai pembekalan?
- 46) **[PL110] : Yang Berhormat Pehin Orang Kaya Laila Setia Dato Seri Setia Awang Haji Abd. Rahman bin Haji Ibrahim** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan apakah tindakan Kementerian dalam mengukuhkan kapasiti pemain industri dalam Kewangan Islam termasuk dalam pengharmonian pengawalseliaan, inovasi kewangan dan peningkatan pengetahuan, bagi memastikan daya tahan, daya saing serta melahirkan lebih ramai pakar kewangan tempatan?
- 47) **[PL053] : Yang Berhormat Awang Lau How Teck** meminta **MENTERI DI JABATAN PERDANA MENTERI DAN MENTERI KEWANGAN DAN EKONOMI II** menyatakan usaha kementerian dalam meningkatkan keyakinan pengusaha dan pelabur tempatan? Apakah langkah yang perlu diperkukuh bagi memastikan persekitaran perniagaan negara kekal stabil, boleh dijangka dan kondusif bagi mempermudah pelaburan jangka panjang?

- 48) **[PL155] : Yang Berhormat Dayang Chong Chin Yee** meminta **MENTERI KESIHATAN** menyatakan apakah status terkini pelaksanaan Unit Perlindungan Kanak-Kanak (*Child Safeguarding Units*), yang telah ditubuhkan di keempat-empat daerah bagi memperkukuh tindak balas terhadap kes penderaan dan pengabaian kanak-kanak.

### 3. USUL BILANGAN No. 3

#### **USUL KETETAPAN DIBAWAH PERKARA 83(7) DARI PERLEMBAGAAN NEGARA BRUNEI DARUSSALAM 1959 BAGI SENARAI PERINTAH-PERINTAH YANG TELAH DILULUSKAN DALAM TAHUN 2025/2026 MENURUT PERKARA 83 (3) DARI PERLEMBAGAAN NEGARA BRUNEI DARUSSALAM 1959**

Akan dicadangkan oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd. Yussof, Menteri di Jabatan Perdana Menteri dan Menteri Pertahanan II.

*“Majlis ini mengusulkan ketetapan menurut Perkara 83(7) dari Perlembagaan Negara Brunei Darussalam 1959, bahawa tiap-tiap perintah yang dibuat di bawah Perkara 83(3) dari Perlembagaan Negara Brunei Darussalam untuk diusulkan di Majlis ini dan adalah masing-masing berkuatkuasa mulai dari tarikh Perintah-Perintah dibuat diluluskan.”*

### 4. USUL PENANGGUHAN

Akan dicadangkan oleh Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Awang Haji Othman, Menteri Hal Ehwal Ugama, Negara Brunei Darussalam akan mencadangkan :

*“**BAHAWA** berdasarkan Peraturan Mesyuarat Bilangan 35 (1), semua urusan Mesyuarat telahpun selesai dilaksanakan dan mencadangkan bagi Mesyuarat Majlis Mesyuarat Negara ditangguhkan sehingga ke suatu tarikh yang tidak ditetapkan.”*

### 5. UCAPAN YANG DI-PERTUA